

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

OBRAĐIVAČ: Služba kabineta
Gradonačelnika

PRIJEDLOG

Odluke o stavljanju van snage Odluke o prenosu prava vlasništva na zemljištu i objektima u krugu JU „Kantonalna bolnica Zenica“, uz naknadu („Sl. nov. Grada Zenica“, br. 3/25)

Zenica, april 2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

PRIJEDLOG

Na osnovu člana 13. stav 2. alineja peta Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 21. tačka 7. i člana 103. stav (2) Statuta Grada Zenica („Službene novine Grada Zenica“ broj 5/15), Gradsko vijeće na sjednici održanoj ____ 2025. godine, donosi

ODLUKU

**o stavljanju van snage Odluke o prenosu prava vlasništva
na zemljištu i objektima u krugu kompleksa JU „Kantonalna bolnica Zenica“, uz
naknadu**

Član 1.

Ovom Odlukom stavlja se van snage Odluka o prenosu prava vlasništva na zemljištu i objektima u krugu kompleksa JU „Kantonalna bolnica Zenica“, uz naknadu („Sl. novine Grada Zenica“, br. 3/25).

Član 2.

Ova odluka stupa na snagu danom donošenja i objavit će se u „Službenim novinama Grada Zenica“.

Broj: 01-_____/25
Zenica, ____ 2025. godine

**PREDSJEDAVAJUĆA
GRADSKOG VIJEĆA**

Snježana Vrhovac

DOSTAVLJENO:

1x Gradonačelnik
(putem Službe kabineta Gradonačelnika)
1x Vlada Zeničko-dobojskog kantona
1x Skupština Zeničko-dobojskog kantona
1x Ministarstvo zdravstva Zeničko-dobojskog kantona
1x Kantonalna bolnica Zenica
1x Gradsko pravobranilaštvo Zenica
1x „Službene novine Grada Zenica“
1x Stručna služba Gradskog vijeća
1x a/a

O B R A Z L O Ž E N J E

I PRAVNI OSNOV

Pravni osnov za donošenje ove odluke sadržan je u sljedećem:

- odredba člana 13. stav (2) alineja peta Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), kojom se propisuje da gradsko, odnosno općinsko vijeće, u okviru svojih nadležnosti, između ostalog donosi odluke o upravljanju i raspolaganju imovinom jedinice lokalne samouprave,
- odredba člana 21. tačka 7) Statuta Grada Zenica („Službene novine Grada Zenica“, broj: 5/15), kojom se propisuje da Vijeće, u okviru svojih nadležnosti, između ostalog donosi odluke o upravljanju i raspolaganju imovinom Grada i odredba člana 103. stav (2) Statuta, kojom se propisuje da imovinom Grada upravlja i raspolaže Gradsko vijeće na način i pod uslovima propisanim zakonom i istim statutom. Navedenim odredbama Zakona i Statuta utvrđena je nadležnost Gradskog vijeća „da Gradsko vijeće donosi odluke o upravljanju i raspolaganju imovinom grada“.

II RAZLOZI ZA DONOŠENJE ODLUKE

Razlozi za donošenje Odluke proizilaze iz osnova inertnosti i neaktivnosti Vlade i Skupštine Zeničko – dobojskog kantona koji su pokazali krajnje inferioran i indolentan odnos prema Odluci o prenosu prava vlasništva na objektima i zemljištem u krugu kompleksa JU KBZ Zenica, uz naknadu, koja je donesena na 5. sjednici GV održanoj 24.02.2025. godine i objavljena u Službenim grad Zenica br. 3/25.

Predstavnici Grada Zenica su održali zvaničan sastanak sa predstavnicima Kantona, obrazložili pravnu osnovanost i zakonitost donešene Odluke, koja predstavlja javni interes građana Zenica i koja je donesena na način kako se donose odluke od javnog interesa, te predložili i predstavnicima Kantona da na isti način donesu odluku o javnom interesu Kantona, kroz donošenje odgovarajućih odluka Vlade i Skupštine Kantona, u skladu sa njihovim nadležnostima.

Od strane Gradske uprave ponovo je prema Vladi, Ministarstvu zdravstva i Skupštini Zeničko-dobojskog kantona 04.04.2025. godine upućen dopis i molba u kojem je traženo da se od strane zvaničnih organa Kantona dostavi izjašnjenje i stav vezano za pripremljeni prijedlog rješavanja prenosa vlasništva nad objektima i zemljištem u krugu JU KBZ Zenica, kako je to definisano u usvojenoj Odluci (dopis u prilogu).

Obzirom da od strane zvaničnih organa Kantona nikad nije dostavljeno izjašnjenje po ovom pitanju, potrebno je Odluku Gradskog vijeća o prenosu prava vlasništva na objektima i zemljištem u krugu kompleksa JU KBZ Zenica staviti van snage, a zbog očiglednog odsustva pravnog interesa za provođenje iste od strane nadležnih organa Kantona, te zbog potrebe da Grad Zenica preuzme brigu o objektima i zemljištem u krugu kompleksa JU KBZ Zenica.

U tom smislu Gradska uprava će u kratkom roku dostaviti prijedlog Vladi i JU KBZ Zenica za regulisanje međusobnih prava i obaveza iz osnova korištenja objekata i zemljišta u okviru kompleksa JU KBZ Zenica, što podrazumijeva i definiranje naknade (zakupnine) za korištenje objekata i zemljišta za potrebe obavljanja zdravstvene djelatnosti JU KBZ Zenica.

III OBRAZLOŽENJE PRAVNIH RJEŠENJA

Ovom odlukom utvrđuje se prestanak važenja Odluke o prenosu prava vlasništva na zemljištu i objektima u krugu kompleksa JU „Kantonalna bolnica Zenica“, uz naknadu, odnosno ista se stavlja van pravne snage s danom donošenja odluke, te da će ova Odluka biti objavljena u „Sl. novinama Grada Zenica“.

IV POTREBNA FINANSIJSKA SREDSTVA ZA REALIZACIJU ODLUKE

Za provođenje ove odluke nisu potrebna posebna sredstva iz Budžeta Grada za 2025. godinu.

V OBRAZLOŽENJE SKRAĆENOG POSTUPKA

Ova odluka dostavlja se u formi prijedloga radi razmatranja i usvajanja po skraćenom postupku, shodno odredbi člana 69. stav (1) Poslovnika Gradskog vijeća („Službene novine Grada Zenica“, broj: 4/17, 4/20 i 10/21), iz razloga što u konkretnom slučaju nije riječ o aktu obimne pravne regulacije te za koji nije potrebno provođenje javne rasprave i dostavljanje u formi nacрта, jer Odluka o prenosu prava vlasništva na zemljištu i objektima u krugu kompleksa JU „Kantonalna bolnica Zenica“, uz naknadu nije ni proizvela nikakve pravne posljedice.